

EDINAM ISAIAH ASANA

Isaiah 6:1-13

QYQHỌ UKPEP-ŃKPỌ 350

Eke Mkparawa

IKỌ IBUOT: “Mmodo Jesus ņko akakpade ke edem inua-otop obio, man Enye anam mbio-obio esana ke iyip Esiemọ” (Mme Hebrew 13:12).

Utom Isaiah

Abasi ama enyene ekese utom ọnọ Isaiah ndinam. Abasi okokot enye ndinọ Nditọ Israel ntọt ubierikpe emi akanade etiene mmọ ke ntak mme idiok-Ńkpọ mmọ; ndinyuñ ntiñ nnọ mmọ mbaña Jesus, oro edi Messiah emi ekenyenede ndidi ndinyaña nsuhọ ufok Israel. Ikedighe Isaiah nditiñ mbaña akpa eridi Jesus ikpọñ-ikpọñ, kpa nte enye ekewetde: “Koro eyen amanade ọnọ nnyin, enọ nnyin eyen-eren: ubọñ onyuñ odoro enye ke afara; enyuñ esio enye enyiñ, Utibe, Ọnọ-item, Ọkpọsọñ Abasi, Nsinsi Ete, Ọbọñ Emem;” edi Isaiah ọtọñọ ntak etiñ abaña ini emi Jesus edikarade ke ererimbot emi ke tọsin isua. “Wilderness ye nsat-isọñ eyedara; desert eyenyuñ ebre, onyuñ asiaha ikọñ nte rose” (Isaiah 35:1). “Edi mbufo edat esit, enyuñ ebre nsinsi ke se ami mbotde: koro, sese, ami mbot Jerusalem ke Ńkpọ inemesit, mbot mbio esie ke Ńkpọ idaresit ... ndien idikopke aba uyo eyet ye uyo eseme ke esit” (Isaiah 65:18, 19).

Mbeñidem Ke Abaña Utom

Mbemiso Isaiah ekeme ndida ke iso mme owo oro ye utọ ikpọ mme ntiñ-nnim ikọ emi, akana enam esit esie odu ke mbeñidem. Ke akpan ema enyaña Isaiah mbemiso enye ọtọñọ nditiñ ntiñ-nnim ikọ. Ke idaha utebe-ikpe emi enye ama etetiñ ndiye ntiñ-nnim ikọ, onyuñ ọkwọrọ ikọ ọnọ Nditọ Israel. Edi ke abaña akwa utom emi ọkọsuhode ndinam, akana enam ntọtunọ utom ke idem Isaiah, oro edi edinam-asana.

Isaiah ama ọtọtọñọ utom ntiñ-nnim ikọ esie ke ini ukara Edidem Uzziah. Edidem emi ama anam akpanikọ ke ata ediwak isua, edi nte akade ke utit ukara esie enye ọsọñ ibuoat ye Abasi, onyuñ akabare ọdọñọ akpa-mfia. Nnyin iwak ndikpep nte ke ini edidem anamde idiok, ediwak owo ke idak ukara esie eyekabare etiene uwut-Ńkpọ Esie. Ntem nnyin imọfiok ite ke isua oro edidem Uzziah akpade, Nditọ Israel ema esuhore eti-eti ke idaha edu-uwem mmọ.

Ndibọñ Akam Mbaña Israel

Isaiah ama ọdọk ke Itie-ukpono ndibọñ akam. Edi akpanikọ ete nditọ Israel oro ema eyom ọkpọsọñ akam. O Abasi nam Israel ekabare! Ọbọñ tua mbom!

Nte enye ọbọñde akam, ubọñ Abasi edidoro enye, ndien enye okut Ọbọñ etiede ke edikoñ ye edimenere ebekpo, ndien akwa ekura esie ọyọhọ ke Itie-ukpono.

Ke ini nnyin idade esit akpanikọ ibiom mbiomo mbon efen ke akam, kpa ye eke utom Ọbọñ, Abasi esiwak ndiduri nnyin ndian idem, ndien nnyin ikop esisit Ubọñ Esie. Nnyin imesikop ebuana Esie ke utom emi inamde inọ Enye.

Kere se ikpetakde Isaiah edieke enye ọkpọkọdọhọde ete Israel ema edediok ema, nso idi ufọn ndibọñ akam mbaña mmọ. Edieke mmọ mikoyomke enyaña mmọ, nso idi ntak emi enye ekpefinade idem esie. Edieke enye ekpekerede ntem, enye ikpakakaha ke Itie-ukpono ndibọñ akam, ndien enye ikpekekwe ubọñ Abasi oro.

Esit mme owo ekpesọñ nte ọsọsọñ, edi utom owo Abasi ndiyire ke akam man Abasi anyaña ukpọñ mmọ, ndinyuñ nnyene ọyọhọ odudu Abasi ke uwem mmọ man mme idiok owo ekut. Ndusuk ini ebeboñ akam tutu edidemere ọtọñọ ntak oduk ke mme ebiet emi mme owo ema ekeduok idorenyin ete owo ekeme ndibọ erinyaña.

“Sọñ idem!

Kudọhọ ete, “Mme usen edik. Edibiom anie?”

**Kukpañ ubòk, esit okunyun ọsọñ! Kukop but!
Daha da, kwọrọ uko uko, k’enyiñ Ọbọñ.”**

Ubọñ Abasi

Ikureke Isaiah ndikokut Ọbọñ ikpọñ ikpọñ, edi enye ama okut Seraphim edade ke enyọñ ebekpo Abasi. Mmọ ekedi mme ñkpọ uwem emi akananam Isaiah mmikwe. Mmọ kiet-kiet enyene mba itiakiet. Eda mba iba efuk iso mmọ. Mmọ efiọk ete Abasi edi edisana, ke mmimọ idotke ndiwuk iso nse Enye.

Ke ini nnyin itọñode ndikere nte Abasi asanade, iyokut nte nnyin midotke nte ekpekotde nnyin ufan Esie mme nditọ - ete. (Mme Hebrew 2:11). “Nso ñkpọ edi owo eke afo etide enye? Nso ñkpọ edi eyen owo eke afo edide edise enye?” (Psalm 8:4). Ke ini nnyin idude ke ufọk Abasi ana nnyin iti ndikama idem nnyin ke usuñ eke nnyin mmididaha ñkpọ but inọ Enye.

Mme Seraphim eda mba iba efuk ukot mmọ. Eda iba eken efe usọp usọp ndinam se Abasi ọdọñde mmọ.

Nte mme Seraphim emi efede ke ebekpo Abasi, mmọ ekwọ kiet ye eken ete “Edisana, edisana, Jehovah mme udim: ubọñ esie ke ọyọhọ ke ofuri ererimbot.” Edieke mme owo ekpetorode Ọbọñ, mmọ ekpekut ubọñ emi ọyọhọde kpukpru ebiet. Ubọñ Esie ke ọyọhọ ke ofuri ererimbot, ndien ebiet ekededi emi owo ọbọñde akam. Enye ododu do ndinọ ibọrọ. Abasi oyom mme owo etoro Enye. Mme udim enyọñ ke enọ Enye ubọñ.

Nte mme Seraphim oro ekwọde, Ubọñ Abasi ọyọhọ Itie-ukpono nte nsuñikañ. Idem asañ-udọk Itie-ukpono enyeñe ye odudu emi ekedude do. Emekeme ndikere nte eketiede Isaiah ke idem ke adaña emi enye okutde uto ubọñ ye odudu oro? Ke akpanikọ enye ikabatke nte imọ imodot. Ndien idut Israel ekedu ke idiọk-ñkpọ ke utọ ini emi! Nsinam Abasi okowut mmọ ubọñ Esie ke utọ usuñ emi? Isaiah okut nte ekpenamde esit imọ otim asana. Enye ke nsuhọreidem okot Abasi ete ańwam imọ.

Ke ini nnyin ikutde ntak emi iyomde uńwam ito Abasi, ndien Enye eyeńwam nnyin. Ke ini nnyin isañade ikpere Enye ke nsuhọreidem, Enye okop eseme nnyin onyuñ ọbọrọ.

Edinam Esit Asana

Nte Isaiah ọbọñde akam, Seraphim kiet ada mbubek ikañ ke itie uwa efe etiene Isaiah, onyuñ otuk ke mkpọk-inua esie, ete: “Sese, emi omotuk fi ke mkpọk-inua: omonyuñ osio isop idiọk ido fo.”

Mme idiọk-ñkpọ Isaiah, mme ndudue emi enye akanamde, ema efen ke ini ekenyañade enye. Edi uduot idiọk-ñkpọ, emi Nwed Abasi okotde enye ke enyiñ kiet (idiọk-ñkpọ), okosuk ododu ke enye. Ekena nte enam enye asana. Edinam-asana eyet esit asana.

Ke ini David akanamde idiọk-ñkpọ enye ọbọñ akam ete esọhi nnam-ndue imọ esio. Ke ikọ efen, “Fen mme idiọk-ñkpọ emi ñkanamde.” Onyuñ adian do ete: “Diọñ yet mme ukwañ-ñkpọ mi fep, nyuñ sio mi mme idiọk ido ke idem fep, nam ndi edisana” (Psalm 51:1, 2). Oro akada ọnọ edinam-asana, edisana esit.

Isaiah ama okop nte mme Seraphim ekwọde ebaña edisana ido Abasi. Edieke akanade nte enye okpono Abasi ke nnen nnen usuñ, ana enye ñko edi edisana. Enyiñ efen emi enọde edinam-asana edi edisana ido.

Abasi ọdọhọ ete, “Mbufo edisana, koro Ami ndide edisana” (1 Peter 1:16). Abasi oyom nnyin isana ke uwem emi. Enye ama ọńwọñọ ọnọ Abraham, “Ete, ke ima isio nnyin ke ubọk mme asua nnyin, iyeyak nnyin inam ñkpọ inọ Imọ ke ifure, ke edisana ido ye edinen ido ke iso Imọ ke ofuri uwem nnyin” (Luke 1:73-75). Mkpa inamke owo asana.

Ebuana Abasi Ita Ke Kiet

Eyak nnyin ikut ite ke edisana Abasi ita ke Kiet etiene enyene ebuana ke ebiet emi. Mme Seraphim oro ekekwo, “Edisana, edisana, edisana,” etoro Ete, Eyen, ye Edisana Spirit. Ke ini Abasi eketiñde ikọ, Enye ọdọhọ ete, “Anie ke ndidọñ utom?” onyuñ adian do ete, “Anie edinyun aka ñkpọ ọnọ nnyin?” Emi ama awak akan Owo kiet ke itie oro.

Ndusuk owo eyedohọ ete ke Jesus ikoduhe mbemiso Enye amana ke Bethlehem. Edi Apostle John, ke ini enye etiñde abañã se Isaiah okokutde ke Itie-ukpono, okodohọ ete ke Jesus ama odu do. John etiñ mme utibe ñkpọ emi Jesus akanamde mi ke isọñ, onyuñ odohọ ete ke mme owo ikonimke Enye ke akpanikọ ukem nte mbon owo mmikonimke Isaiah ke akpanikọ ke ediwak isua ke edem. Isaiah okodohọ ete, “Enye okotibi mmọ enyin onyuñ osọñ mmọ esit; mbak mmọ edida enyin mmọ ekut usuñ, enyuñ eda esit mmọ ekere ñkpọ enyuñ ekabare, ndien nnam udohọ okure mmọ” (John 12:40). John ete: “Isaiah eketiñ ikọ emi koro enye okutde uboh Esie, enye ama onyuñ etiñ ñkpọ abañã Enye” (John 12:41). Ntem Spirit ama ayarade ohọ John ete ke Jesus ama odu ke Itie-ukpono ke ini ekenamde Isaiah asana, ediwak ibat isua mbemiso Jesus edimana ke Bethlehem.

Ndiyere Ikot

Ekedi ata utibe ifiok Isaiah ndikut nte Abasi amade enye ntem saña-saña; edi ikedighe enye ndibọ mfon ye edidiñ emi nnọ idem esie ikpoh. Ekenọ enye man ohọ enye odudu ye ifiok nditeme mbon mfiakedem Israel usuñ Abasi. Ke ndo ndo oro edidiñ emi osimde enye, enye okop uyo Oboh odohode ete, “Anie ke ndidoh utom? Anie edinyuñ aka ñkpọ ohọ nnyin?” Enye oboro ini kiet ete, “Se mi, dñ mi.” Enye okosuk abat idemesie nte imọ idotke, edi edieke utom akanade ohọ enye ndinam enye ama ekeme ndinam.

Ikpedighe mmem-mmem ñkpọ. Mme owo oro ikebeñeke idem ndikpañ utoh nnọ Isaiah. Ediwak ini eketie enye nte ukworikọ imọ owo ikpikpu. Edi Abasi okodoh enye aka, enye ñko onyuñ osuk ibuat. Ke ntak udoh idiok-ñkpọ, mme owo oro ikekemeke ndikut uyai ke Eti-Mbuk. Mmọ ikoyomke ndikop eti mbuk erinyaña oro. Mmọ ekesoh esit tutu Spirit Abasi ikekemeke ndiduk. Edi nte ededi akana Isaiah owo.

Adaña Didie?

Isaiah ama ofiok ke mbiomo eyekpon, ndien obup ete, “Adaña didie?” Adaña didie ke Israel edibọ ufen idiok-ñkpọ mmọ? Adaña didie ke mmọ edisin etop Abasi? Mme Jew ebọ ufen ke ata ediwak isua tohọ ke usen oro, ndien mmọ ke esuk ebebup ete, “Adaña didie?” Adaña didie ke edida mmọ ndidiñ Messiah man Enye afak mmọ.

Ema esuan mme Jew esioño ke isoh Palestine ke mmọ ema ekeoh Jesus. Edim etre ndidep ke isoh mmọ, ndien se ediade enana. Mme ufok enyuñ ebiara enana owo, ukem nte Isaiah okodohode.

“Edi oyoh ubak duop eyesuk odu enye (isoh) ke esit, ndien emi eyetoh ntak edi.” Isaiah ete ke ndusuk mmọ eyefiak enyoh. Jesus odoh ete: “Mme Gentile eyedighi Jerusalem ke ikpat, tutu ini mme Gentile oyoh.” (Luke 21:24).

Osuk esisit, ini mme Mmọ-oko (Gentile) ohoh oyoh. Edim ke ohoh ntak edep ke Palestine, ndien mme Jew ke eto ke mme utit ererimbot efiak enyoh Edisana Obio oro. Edi Ikọ Abasi osu emi.

MME MBUME

1. Siak ndusuk nti ñkpọ emi Isaiah eketiñde enim.
2. Nso ndutim esit ke Isaiah okoyom mbemiso akwa utom esie?
3. Isaiah okodu mmoh ke ini enye okutde ñkukut?
4. Nso ke Isaiah okokut?
5. Enye akabat idem ke nso ke adaña emi enye okutde utọ uboh oro?
6. Nso ke Seraphim oro akanam ye Isaiah? Enye okonyuñ odoh didie?
7. Nso idi enyiñ efen emi ehode edinam-asana?
8. Nnyin inam didie ifiok ite nnyin imekeme ndisana ke uwem emi?
9. Nnyin inam didie ifiok ite ke Jesus ama odudu ke Itie-ukpono ke ini emi mbemiso Enye edimana ke Bethlehem?